

嘉靖鄆陵志

鄆陵縣志序

夫志者先王所重以辨方輳  
法貽來而立極資治焉者故傳之  
禹貢列之職方分之周官掌之小  
史著之國籍載之方輿代以傳代  
始有不能泯沒焉者是以先王重  
之鄆舊有志顧遺跡未明而法例

鄆陵志序

一

未立觀者病之夫遺跡未明則事  
物滯昧法例未立則鑒戒寢湮何  
可以言志如春岡子以歸養在告  
潛修不出者六年乃乙未仲夏覽  
舊志歎曰余鄆人也志可以言考  
乎即蒐三章隱祖三窟謬根以金  
石核以史冊櫛以藝文證以水經

譔以耆舊訂以見聞自是疑二者  
辨淪落者明鴻纖悉載源流罔忒  
凡七越月而編摩成帙郁然可徵  
矣故觀沿革而思興廢審形勢而  
思勝衰也則地理考身城池而思  
於濬隄屬封而思裨益也則建置  
昭察息耗驗納貢也不可無田賦

鄆陵志序

二

修職守觀隆汙也不可無官師重  
人物所以表沮勅采訪文所以存  
制作乃若屬收人品博及襍志靡  
事不周靡物不備志成會已蜀史  
凡文彬至乃政敷化室契警民享  
既而問志乃得是禱曰嗟乎是惟  
治道之濬哉遂梓之請序于紳云

氏細云氏曰余嘗志臨潁而知作  
者之難也夫稽古據事揆例正詞  
不嚴不莊不博不詳不辨不敷不  
斷不法四者之執而後可以言志  
然私者弗怡稽愆夫諛、焉悉焉  
其不可遏也矧鄆爲人物聲名之  
域地多遺靈代有哲人而可以不

執乎瀆是恣也典章人物遠近畢  
陳真哉事焉者排乎舛者準乎闕  
者洋、乎文哉詞疎者益乎複者  
損乎俚者泐、乎澁惟厥源匪以  
侈觀美也可以真可以藝可以善  
治可以敦俗春官子之志多不謂  
公乎夫程于鄉邦範于賢良所以


光昭之者匪一世一人耳矣春官  
子之公可不謂溥乎精歟盛哉公  
而溥所以知作者之心矣

明嘉靖十四年十月望日

賜進士出身中憲大夫通政使司

左通政潁川杜楫書





抵北西

氏尉抵北

東北抵

清川

抵通許

縣境圖

廣

清渠今名岡

大家岡

張冠祠墓

乾明寺

七里橋

三賢塚

劉冠祠墓

張橋

西抵許州

東抵扶溝

甘羅

水左祠

西湖

縣

東番

樂陵岡

香石

雙塚

三道河

義倉

議臺

馬廟

羅敷墓

孝子岡

南臺

五

西南抵


東南抵


臨穎

蔡上抵南

華西

縣城圖





鄆陵志目錄

卷一

地理志

疆域

星野

山川

隄陂湖附

卷二

建置志

城池

縣署

學校社學附屬署

祠祀

倉鋪

坊巷

鄉保

鄆陵志目錄

一

鎮店

村莊

津梁

卷三

田賦志

土田

戶口

稅糧

農桑

課貢

徭役

土產

卷四

官師志

官制

縣官

學官

名宦

風俗

卷五

人物志

孝友

忠義

理學

經術

名德

文學

隱逸

科目

貢薦任子

褒卹

冊謚

貞節

應募

卷六

人品志

鄂陵志目錄

二

武職

例授

材藝

掾階

耆壽

義民

義官

邑屬

卷七

雜志

古蹟

塚墓

廟宇

寺觀

祥異

補遺

卷八

文章志

漢魏文 宋文 元文

國朝文

唐詩 宋詩

元詩

國朝詩

鄂陵志目錄

三

鄂陵志目錄

鄆陵志卷一

春岡劉訥修

地理志

疆理天下郡縣攸分志縣必先地理有以哉故  
域稽禹貢方辨天文岡峙川流隄巨陂演一邑  
形勝開卷較然類次繫志首者四

疆域

鄆陵自鄭莊克段晉楚會戰始經見六國屬魏衡人  
鄆陵志卷一

從人動稱許鄆陵又曰安陵酈道元水經注云秦求  
易地唐且受使于此是已秦屬潁川郡漢因之高帝  
十二年封都尉朱濞為侯國武帝置陳留郡又屬陳  
留新莽更名左亭東漢仍屬潁川曹魏改潁川為許  
昌郡操以封其子彰為侯歷晉宋北齊省入許昌縣  
隋開皇七年復置鄆陵縣屬許州十六年改置洧州  
大業二年州廢仍置縣屬許州唐武德四年改屬洧  
州貞觀元年復屬許州宋隸開封畿內元屬汴梁路

大明隸開封府在省城東南一百六十里東界扶溝  
二十里至縣四十里西界許州四十五里至州七十  
里南界小窩八十五里至上蔡縣二百二十里北界  
尉氏三十五里至縣七十里東南西華東北通許西  
南臨潁各九十里西北洧川七十里總計延六十里  
袤一百二十里南京陸路一千二百里北京陸路一  
千八百里

### 星野

鄆陵志卷一

二

按周禮保章氏以星土辨九州鄆於鄭屬豫史記天  
官書以房心爲豫州分星星曆紀潁川入房一度  
星曰太火官曰天蠋時曰卯水經云鄭處辰火之野  
闕伯之地或云角亢在辰自軫十度至氏一度鄭地  
應之然此特據成論耳必求其實則天之高星辰之  
遠非精象緯之學者詎能測邪併存以俟考

### 山川

氣結爲山融而爲川吾鄆盤踞大陵四望平行山不

必崇一岡一丘皆氣之結也川不必巨丈溝尺水皆氣之融也舊志載岡六今增五水四今增三

岡在北曰彭岡曰楊村岡在南曰孝子岡曰曲岡曰河岡曰野岡曰三岡在東曰樂陵岡在東北曰彪岡在西北曰党家岡曰文家岡

川曰雙洎河即溱洧下流

曰七里河即雙洎支河

按溱水即鄆水水經註云鄆水注于漕漕水注于洧詩所謂溱與洧者也洧水出潁

鄆陵志卷一

三

川陽城山山蓋馬領之總目東過新鄭南漕水注之東南與龍淵水合又東逕長葛及鄆陵故城南謂之雙洎今縣北二十里為舊雙洎河成化以前逕彭祖店東入小黃河弘治九年山水泛漲決洧川栗家口河始淤塞水趨南與七里河漫為一陂東西接扶洧二縣界洧田不下萬頃知縣王時中嘗謂築口不如濬河正德四年知縣孫讚再築之患如故嘉靖二年知縣尹尚賢議行濬導法會先城事未及為調去嘉靖九年知縣馮霄力主前議先塞決口以遏橫流次開支河以分水勢第因河窄隄薄未幾潰決汪家坡距縣僅三里于是城郭田廬塚墓咸可憂矣嘉靖十四年知縣史文彬亟往督築誓神程工是歲田始稼方議堅築汪家坡口而以憂去明年水大

至隄盡決仍由古城南流患視前尤甚用  
是知縣曾添錦令民韓漳奏行再修切惟  
此水來自西北勢如建瓴北日高南日下  
工不就緒其說有三洧人為城計遇大水  
則壞防泄下以自保是閉口之無益一也  
鄆人為利計遇興工則謀管鬻夫而苟完  
是修河之有弊二也扶人則久占河身為  
已田欲舍上流而別濬豈惟扶人鄆人之  
點者尤甚此皆私便是圖害功之大者也  
為今之計惟從決口順察水勢南北夾築  
護隄至汪家坡以下原河分定丈尺翻隄  
展挑務令堅實庶河闊足以受水隄厚不  
至於潰流矣為民軫  
茲慮者尚鑒之哉

曰三道河在縣西南二十里自許州東秋湖流入境

鄆陵志卷一

四

內河本二汊中夾支流並列三渠渠各有橋東南合  
清流河

曰清流河在縣南五十里即濙水之別名源出新鄭  
大隗山東南經長葛許州又東至臨潁縣入潁水經  
注云潁水東南濙水入焉是已今入沙河者即此水  
然在本境惟隨水大小以為盈涸非通津也

曰潁河在縣南六十里上流亦濙水自許州八里莊  
東逕麻粃橋合潁潁即臨潁之楮河水經注謂三源

奇發今不知果何源也

曰十字河在縣西南形如十字元設閘以則水今西營等處遺址尚存

曰絡江派自許州逕本縣栢梁寺南迤邐城西南隅過孝子岡入西華境史家湖漫入沙河相傳以為汨羅非蓋古泄水之渠其形聯絡故謂之絡江近年城南水患議者欲疏此惜哉因循無倡之者

隄陂湖附

鄆陵志卷一

五

隄一在縣北亘中牟洧川鄆陵築以防水名雙洎隄一名長隄水經注云洧水自鄆陵東逕桐丘南俗謂之天井隄今天井西南去許昌故城三十五里即長隄乃洧水之北防也

陂四水經注云洧水又東鄆陵陂水注之水出鄆陵南陂東西南流注于洧又云長明溝水與鄆陵陂水雙道謂之雙溝東南入沙水南與蔡澤陂水合水出鄆陵城西北陂東西五里南北十里總志云隋開皇

十六年分長葛許昌鄆陵三縣置蔡陂大業二年廢者即此水經又云臨潁宣梁陂水東南入潁水又西南流逕陶城西又東南逕陶陂

今按尉氏西南柏岡保有蔡陂城與鄆古城相近而東南即扶溝沙河陶城亦近許潁與水經合

西湖在蔡樂門外周二里中有亭址

宋尚書崔立引城北蔡河水為之亭二曰葆光曰西亭見韓魏公詩文蔡即宋漕通渠洎楊侃皇畿賦曰潏潏洎溝渙渙洎水入鄆陵而碧截原田過扶亭而清映閭里

鄆陵志卷一

六

此湖襟帶其間尤當時勝槩舊志謂元人作非

鄆陵志卷一